

港東港西



周浩鼎

梁美芬

容海恩

張國鈞

廖長江

何君堯

吳永嘉

謝偉俊

立會議員 建制「法」力無邊

立法會選舉結果塵埃落定，鄭曉暉、潘70位候任議員履歷，12位有法律專業背景，比例達到一成七。其中建制派今屆新丁入面就有五個人都係法律界，包括民建聯的張國鈞、周浩鼎、律師會前會長何君堯，工業界吳永嘉、同埋新民黨大狀容海恩。再加上連任的商界廖長江、經民聯梁美芬兩位大律師，同本身係律師的謝偉俊，建制派新一屆就有八個法律專家咁多。

隨著公民黨梁傑同、民主黨何俊仁告別議會，「泛民」方面法律光環好似失色唔少，而家只有「大狀黨」三位議員郭榮鏗、陳淑莊、楊岳橋係大律師

，同埋「白鴿黨」嘅涂謹申律師。立法會係立法機關，選民當然比較鍾意熟悉法律嘅議員啦，佢地可以利用專業知識，針對政府嘅法案搵出漏洞，甚至提出私人條例草案，例如梁美芬就曾經對議員辭職補選，同埋消防安全提出過私人條例草案。睇嚟新一屆議會，建制同「泛民」大門「法」一啲都唔會輸。睇返「本土派」就無乜法律背景喇，佢地口口聲聲要修改基本法，要咩「自決」，但鄭曉覺得，佢地應該先要惡補下法律知識，睇清楚基本法講咩先。



▲陳淑莊



▲楊岳橋



▲涂謹申



▲郭榮鏗



▲姚潔玲同AY合照，AY笑得幾開心
大公報記者 蔡文豪攝



▲楊岳橋疑似與姚潔玲合照 楊岳橋facebook圖片

政壇最驚人「戀情」曝光？

立法會換屆選舉之中，係新界東選舉論壇多次發表驚人言論嘅陳玉娥吸引咗很多網友注意。尋日楊岳橋（AY）競選團隊上載一張疑似AY與姚潔玲合照，呢張疑似合照只見兩人情深款款對望，網友見到都好驚訝。不過，原來呢張相只係角度問題啫，絕對無深情對望

，但姚潔玲最後都有喺台上同AY合照，AY仲笑到見牙唔見眼添。

可能網友太鍾意呢張疑似合照，於是衍生出多張改圖，例如將佢兩個放係巴黎鐵塔下，改成電影海報主角等。鍾意姚潔玲嘅網友，係咪好心碎呢？真係「這些機會不是我的！」

海事博物館遷往中環

【本報訊】實業記者辦事處報導：香港海事博物館昨日宣佈，將於下周一開館，遷往中環八號碼頭的新館。明年二月初開放。館方透露，新館將有八千件展品，新展品包括香港海軍大副李鴻章的銅像，大型入口處將展示超大型油輪「亞利維京號」的船艙。海事博物館總監李力昨日表示，新館設有十七個展覽廳，將現時在赤柱舊館只有兩個展覽廳比較，新館所佔是舊館的五倍，除了全數保留舊館現有的五千件展品外，並會額外引入三千件新展品，例如具地方特色的十九世紀中國寶壘、大型船隻模型與大炮等。新館將設展區中，以李鴻章銅像較闊，預計於十二月遷往新址。新館大樓的入口處，將展示超大型油輪「亞利維京號」長達三十六米的船艙。新館將於明年二月初向公眾開放，票價加價十元，成人門票由三十元、長者、小童、全日制學生及殘疾人士門票由二十元。海事博物館現時每年平均有三萬五千人入場，館方預計遷館後入場人次將升至十五萬。

▲呢段稿點解要彈七次呢？
真係要問返游小姐當時寫稿發
生咩事喇



實習游蕙禎被彈稿七次之謎

眾所周知，嗰啲九龍西直選勝出嘅青年新政游蕙禎讀大學時曾經經《大公報》做過實習記者，但之後仲寫過一篇長文話因為不滿撰寫特首梁振英落區的報道被「彈稿」七次，內容全都改頭換面，所以做咗兩個星期之後憤而辭職咁話。當年負責改稿嘅同事就要鄭曉暉度鄭重澄清下，游BB當年被彈稿七次嘅一定唔係CY落區呢條稿，而係佢第一日去採訪寫返

嗰嘅《海事博物館遷往中環》嗰段。咁點解要彈七次稿咁多呢？同事話係因為佢最開頭頭抄新聞稿，而且真係寫得唔係咁好。鄭曉對游BB就真係無乜印象，但聽講佢見工嘅時候着埋套裝，不過老細都要鄭曉溫馨提示下各位未來有意嚟實習嘅同學仔，嚟見工係唔需要着晒套裝，最緊要整齊大方就得，但又唔好着短褲、吊帶或者拖鞋咁hea囉。

網友監督劉小麗 有冇走數

今次九龍西選區，「癲狗」黃毓民落馬，結果清一色嘅六位議員都係女性。劉小麗得票雖然係該區非建制之冠，但係網上世界就相反，一眾網友真係相當憤怒。話說選舉論壇上，講到全民退保問題，小麗老師一直自稱自己係學者方案（三方供款）嘅倡議人，但投票前幾日就係傳單話爭取「免供退保」，可謂反口覆舌。又例如佢係選舉論壇上，被問到當選後會唔會辭去教席，佢話：「因為我唔會做政棍，唔會追求連任扭曲自己。」又話會捐一半人工出嚟。

網民無敵神駒又再「狙擊」小麗老師，聲稱「敬請大家密切監督劉小麗，有冇兌現其選舉承諾，捐出一半薪酬。」網友Abdiel Adams表示：「我仲等緊佢個免供唔爆嘅『全民退保』呀。」另一網友Raymond Sone說：「仲有免供退保，『小麗老千』切勿走數！」鄭曉都覺得，小麗老師，你一定要講得出、做得到呀。如果做唔到，你就同政棍無咩分別啦！

Facebook live變「謝票神器」

Facebook嘅Live（現場直播）功能係今次立法會選戰成爲各路候選人嘅「拉票神器」，尋日呢個方法都成爲一眾候任議員最喜愛嘅謝票方法之一。民建聯蔣麗芸、張國鈞、工聯會郭偉強等多個成功當選議員都通過Live嚟直播謝票過程，實行第一時間係網上同支持者分享下當選嘅喜悅。鄭曉諗諗諗落，覺得其實咁樣真係係好，區區都咁大，要係短時間巡完全區基本上都係「不可能嘅任務」，就算巡得完，都好難同晒所有支持者打招呼。呢個時候，網上直播確實又真係可以幫輕下呢個問題嘅，更重要嘅係可以順便「賺多啲like」囉。



更多內容歡迎掃描二維碼，瀏覽大公網「港東港西」專題

數看立會新形勢

【大公報訊】立法會換屆選舉投票人數高達220萬人，投票率約58%，均創歷史新高。此次多個黨派都實現新舊交替，使本屆立法會年輕化，議員平均年齡較上屆減少12.05歲，爲45.95歲。不過，儘管九龍西選區六席是「女人天下」，但整個議會仍然是「陽盛陰衰」，男議員有58人，女議員只有12人。

今屆贏得41席，穩守立法會裏多數的優勢。建制派總得票率40%，較上屆43%略低3個百分點。

民建聯、新民黨、經民聯派出的參選隊伍皆取勝，工聯會有得有失，各建制政黨新人順利接棒，民建聯膺議會第一大黨。

民主黨、公民黨等傳統「泛民」得票流失嚴重，總得票率由上屆41%，大幅下

降至29%；社民連和人民力量等激進「泛民」得票亦萎縮，總得票率由上屆15%，大減至7%。「泛民」合共奪得議會22席，總得票率爲36%。

「激進本土」派則主力搶攻「泛民」票源，得票率爲19%，合共奪得七席，但「激進本土」內部亦有門戶之爭，青年新政、熱血公民及香港樂志等的政見並不相同，未來議會碎片化將更爲明顯。

新一屆立法會 男女議員比例

58男(82.9%) 12女(17.1%)

新一屆立法會議員 平均年齡

45.95歲 (比上屆年輕12.05歲)

最年輕議員

羅冠聰 23歲 (香港眾志)

最年長議員

石禮謙 71歲 (經民聯)

2016年五區直選得票比例

